

العمل بالحديث الضعيف في فضائل الأعمال وفضل ليلة النصف

من شعبان

أحمد سمير

السلام عليكم ورحمة الله وبركاته بسم الله والحمد لله والصلوة والسلام على رسول الله وعلى الله وصحبه ومن والاه. وشهاد ان لا اله الا الله وحده لا شريك له. وشهاد ان محمدا عبد الله ورسوله. اللهم صل على محمد النبي ازواجه وامهات المؤمنين - 00:00:01 وذريته والبيته كما صليت على الابراهيم انك حميد مجيد النهاردة الدرس مختلف شوية او طريقته يعني مختلفة شوية آآ هنتكلم فيه عن مسألة مهمة جدا آآ هو اصل الدرس هنتكلم فيه عن ليلة النصف من شعبان ان شاء الله. لكن قبل ما نتكلم عن ليلة النصف من شعبان عاززين نوصل المسألة يا جماعة - 00:00:20

احنا طبعاً المرة اللي فاتت الدرس اللي فات احنا وصلنا مسألة وهي اه في موضوع الاختلاف بين العلماء وواجبنا تجاه هذا الاختلاف وازاي ان ان العلماء كانوا يرون الاختلاف رحمة لهذه الامة. يعني خلافاً لما يعتقد البعض الان - 00:00:42 النهاردة برضه عاززين نوصل مسألة الاول قبل ما نبتدئ نتكلم عن ليلة النصف من شعبان لاني آآ يبني على هذه المسألة كثير من من العمل ومنه اللي عمل في ليلة النصف ويوم النصف من شعبان - 00:01:00

هي مسألة العمل بالحديث الضعيف في فضائل الاعمال هي المسألة دي مهمة جداً قول المشهور عند الناس دلوقتي ان الحديث الضعيف ده اما تسمع كلمة حديث ضعيف دي يعني ارميه. يعني ما لكش دعوة به - 00:01:19

والحقيقة ده مم يعني خلافاً جماهير اهل العلم ان لم يكن اجماعاً يعني بعض العلماء اه ذكر اتفاق العلماء النووي مسلاً وبعضهم ذكر الاجماع صراحة العلماء صراحة زي الطوفي على ان الحديث الضعيف يعمل به في فضائل الاعمال. ايه بقى الكلام الكبير ده؟ ركزوا معى - 00:01:33

دلوقتي يا جماعة احنا عندنا الدين اما احكام حلال وحرام يعني ده حلال وده حرام آآ ده وتنشدد فيه آآ او نتشدد في الاسانيد ونفتش عن آآ حال الرجال - 00:02:00

يعني رجال السندي لما نيجي نروي حديثاً آآ في الاحكام في الحال والحرام آآ يعني ايه سندي؟ انا طبعاً ايه قدامي بيبقى ناس يعني مستويات مختلفة. فبضرط آآ انزل شوية واطلع شوية بالكلام يعني - 00:02:15

يعني ايه سنة السنة دي يعني الحديث يا جماعة؟ يعني لما نقول ايه عن فلان عن فلان عن فلان عن النبي صلى الله عليه وسلم انه قال كذا وكذا - 00:02:31

عن فلان عن فلان ده ده بنسميه سندي النبي صلى الله عليه وسلم وقال كذا وكذا قال دي اللي هو الجملة يعني او الكلام اللي قاله النبي عليه الصلاة والسلام ده بنسميه متن - 00:02:39

متن الحديث فاحنا نفتش بقى عن حال السندي وعن احوال الرجال رجال السندي يعني مين فلان ده ومين فلان ده وتنشدد في المسائل دي لما نيجي نروي في الاحكام في الحال والحرام - 00:02:48

زي ما قلت لكم زي ما قلت لكم كده وفي فضائل الاعمال بقى وفي الترغيب والترهيب يعني ايه فضائل الاعمال؟ يعني آآ مثلاً ثواب مخصوص يذكر في قيام ليلة النصف من شعبان - 00:03:02

او في صيام نهارها ده فضاء الاعمال يعني حديث يحث على فضيلة من فضائل الاعمال حينها العلماء لا يتشددون في السندي. يعني

يررون الضعيف؟ اه يرون الضعيف وما روه الا ليعمل به - 00:03:17

تاني العلماء يروا الضعيف في فضائل الاعمال؟ اه وليه يا بابا؟ عشان يعوم يا بيها. خلاص؟ وهنتكلم في تفصيل الحاجات دي هو اللي احنا بنقوله ده بقى مذهب جماهير اهل العلم ان لم يكن اجماعا - 00:03:34

يعني اذا ما كانش اجماع فهو قول الجماهير واضح وزي ما قلت لكم نقل الاجماع الطوفي او ذكره يعني وذكره بلفظ الاتفاق الامام النووي وغيرهها طيب اه الاول طبعا انا بس هو انا صوتي واضح كده يا جماعة؟ لو حد بس يكتب يعني الصوت واضح كده ولا آآ - 00:03:48

لو ممكن حد يكتب لي لو الصوت واضح او مش واضح اه طبعا القول المشهور دلوقتي عند الناس زي ما قلت لكم ان الحديث الضعيف ده ارمي وما توصلوش آآ فاحنا عاوزين نوصل المعنى ده بقى. زي ما الماركت قصر بمعنى الاختلاف وكيف كان يراه اهل العلم - 00:04:14

النهاردة عايزين نتكلم شوية في المسألة دي. اه خلوني ابدأ يعني ننجز او نذكر بعض المقولات عن اهل العلم وانا ابدأ بشيخ الاسلام ابن تيمية لانه لانه معظم عند اه الطوائف التي تتشدد في هذه المسألة الان. يعني انا بدأت به مع جالة غيره. ويمكن اه يعني انا هجيب لكم كلامه عن - 00:04:46

عبدالرحمن بن مهدي وعن احمد بن حنبل وھؤلاء يعني اجله من من شيخ الاسلام ابن تيمية. اه لكن انا هبدأ به ليه علشان هو معظم في مثل هذه المسائل عند - 00:05:08

آآ الطوائف الان آآ يعني بتتشدد في مثل هذه المسائل فشيخ الاسلام آآ في مجموع الفتاوى دي بيقول ايه بقى اه يقول شيخ الاسلام لكن احمد بن حنبل وغيره من العلماء جوزوا - 00:05:20

من يروى في فضائل الاعمال ما لم يعلم انه ثابت اذا لم يعلم انه كذب يعني بيذكر دلوقتي عن الامام احمد ابن حنبل وعن غيره. ان هم جوزوا في فضائل الاعمال انه يروى ما لم يعلم انه ثابت - 00:05:42

بس بشرط انه لا يعلم انه كذب يعني ما يكونش لراويه معروف بالكذب او وضع للحديث. يعني ودي بقى الفاز انا مش شايف اقف معاهها كتير لكن يا جماعة الحديث الضعيف - 00:05:57

ما هواش كله درجة واحدة حديث ضعيف فيه ضعيف وفيه حديث يصل انه كذب على الرسول عليه الصلاة والسلام. وحديث موضوع مكذوب فده اه لو واحد معروف انه متهم بأنه بيكتب على النبي عليه الصلاة والسلام او او بيضعه او بيضع الحديث لا لا يغون عنه حتى في فضائل الاعمال - 00:06:08

واضح آآ يقول شيخ الاسلام وذلك ان العمل اذا علم انه مشروع بدليل شرعي وروي في فضله حديث لا يعلم انه كذب جاز ان يكون الثواب حق ودي مسألة مهمة جدا يا جماعة هو هو واحد هيقول لي - 00:06:24

احنا ليه نروي الضعيف في فضائل الاعمال؟ عشان يا جماعة ببساطة ممكن حضرتك قلبك ينبعث لثواب مذكور في حديث ضعيف يعني نيجي مسلا مسلا ليلة معينة او يوم معين هنقول لك صم - 00:06:40

يوم يوم المسألة بتاعتتنا. احنا بنتكلم عن ليلة النصف من شعبان ويوم النصف من شعبان لما نيجي نقول لك صوم يوم نصف من شعبان تقول لي ليه اصوم؟ اقول لك والله الصيام مستحب عموما - 00:06:54

فتلاقي قلبك ايه مش منبعث اوبي. اقول لك طب يا سيدى الدقيقة تلتاشر واربعتاشر خمستاشر من كل شهر هجري بيتصام ودي سنة سابته وفيها احاديث فتللاقي برضو قلبك ايه ممكن ما ينبعس. لما اجي اقول لك اليوم ده بالزات بقى مروي فيه حديث ضعيف - 00:07:09

اني يصوم النبي صلى الله عليه وسلم امر يعني روی عنه انه امر بصيام نهاره وقيام ليله وان في الليلة دي يغفر جميع الخلق الا كذا وكذا هيأتي معنا الاوصاف اللي هي مستثنية من المغفرة. او ان الله عز وجل ينزل الى السماء الدنيا فيقول آآ الا مستغفر فاغفر له - 00:07:25

الا تائب فاتوب عليه؟ الا سائل فاعطيه؟ الى اخر هذا الكلام فقلبك حينها ينبعث الى العمل. ينبعث للصوم حتى لو الحاديـس ضعيف لكن في التواب ده فلما تسمع التواب ده قلبه كان بـأس - 00:07:45

واضح ولذلك هنا شيخ الاسلام بيقول ده وذلك ان العمل اذا علم انه مشروع بدليل شرعي. وروي في فضله حديث لا يعلم انه كذب يعني ما هو اش عن واحد كذاب او واحد بيضع الحديث. جاز - 00:08:01

يكون التواب حقا يمكن الله اعلم ولم يقل احد من الائمة انه يجوز ان يجعل الشيء واجبا او مستحبنا بحديث ضعيف. وده اللي احنا لسه قائمين. في الحال والحرام لا - 00:08:13

واضح ومن قال هذا فقد خالف الاجماع. وده كلام شيخ الاسلام تيمـنـ. خلونا قبل ما نكمل يا جماعة بقية المرويات. او الاسار اللي احنا جايـينـها لكم او الكلام المذكور عن اهل العلم يعني - 00:08:25

عاوزـينـ نفهم حـتـةـ كـدـهـ عـشـانـ دـهـ هـيـفـهـمـيـ قـوـيـ كـلـامـهـ الحـدـيـسـ الضـعـيفـ الذـيـ نـعـمـلـ بـهـ فـيـ فـضـائـلـ الـاعـمـالـ ذـكـرـ بـعـضـ اـهـلـ العـلـمـ لـهـ شـرـوـطـاـ. يعني اي حـدـيـسـ ضـعـيفـ نـاخـدـهـ وـنـعـمـلـ بـهـ - 00:08:36

ولا فيه شـرـوـطـ ؟ ذـكـرـ بـعـضـ اـهـلـ العـلـمـ الشـرـوـطـ لـحـدـيـسـ الضـعـيفـ الذـيـ يـعـمـلـ بـهـ فـيـ فـضـائـلـ الـعـلـمـ. فـمـنـ هـذـهـ الشـرـوـطـ مـثـلـاـ المـذـكـورـةـ اـنـهـ يـكـونـ يـنـدـرـجـ تـحـتـ اـصـلـ عـامـ فـيـ الشـرـعـ. اـصـلـ عـامـ سـابـتـ بـغـيرـهـ مـنـ الـاحـادـيـثـ اوـ بـغـيرـهـ مـنـ الـادـلـةـ يعني عـمـومـاـ - 00:08:49

يعـنيـ ايـهـ المـسـأـلـةـ دـيـ مـثـلـاـ لـمـاـ نـيـجيـ نـقـولـ لـكـ فـيـ لـيـلـةـ النـصـفـ مـنـ شـعـبـانـ اوـ يـوـمـ النـصـفـ مـنـ شـعـبـانـ لـمـاـ نـيـجيـ نـقـولـ لـكـ صـمـ الـيـوـمـ دـهـ اوـ قـمـ الـلـيـلـةـ دـيـ - 00:09:05

فـجـأـةـ هـلـ اـحـنـاـ بـنـسـبـتـ عـبـادـةـ مـاـ هـيـاـشـ سـابـتـةـ فـيـ الشـرـعـ؟ لـأـزـايـ؟ هـاـقـولـ لـكـ اـنـ زـيـ مـاـ اـنـتـ شـايـفـةـ قـلـتـ لـكـ بـقـىـ الصـيـامـ اـصـلاـ مـسـتـحـبـ فـيـ الشـرـعـ عـمـومـاـ. مـطـلـقاـ الصـيـامـ مـطـلـقاـ مـسـتـحـبـ. اـدـيـ اـصـلـ اـهـوـ. يعنيـ شـفـ صـيـامـ يـاـ جـمـاعـةـ النـصـفـ مـنـ شـعـبـانـ دـهـ - 00:09:15

هـيـنـدـرـجـ تـحـتـ الـاـصـلـ دـهـ. اـسـتـحـبـابـ الصـيـامـ عـمـومـاـ فـيـ الشـرـعـ فـصـلـ التـانـيـ هـيـنـدـرـجـ تـحـتـ وـدـهـ سـابـتـ دـهـ طـبـعـاـ سـابـتـ بـقـىـ بـادـلـةـ. يعنيـ لـوـ جـيـتـ قـلـتـ لـكـ فـيـهـ اـدـلـةـ اـنـ الصـيـامـ مـسـتـحـبـ آـآـ اـنـتـ نـفـسـكـ هـتـجـاـوـبـ صـحـ كـدـهـ - 00:09:32

يـبـقـىـ دـهـ اـصـلـ سـابـتـ اـهـوـ فـصـلـ تـانـيـ سـابـتـ بـيـنـدـرـجـ تـحـتـهـ هـزـهـ الـعـبـادـةـ. صـيـامـ نـهـارـ يـوـمـ النـصـفـ اللـيـ هـوـ اـيـهـ؟ اللـيـ هـوـ تـأـكـدـ اـسـتـحـبـابـهـ وـالـاـكـثـارـ. اـسـتـحـبـابـ الـاـكـثـارـ مـنـ الصـومـ فـيـ شـعـبـانـ بـخـصـوصـهـ. شـهـرـ شـعـبـانـ - 00:09:45

الـنـبـيـ صـلـىـ اللـهـ عـلـيـهـ وـسـلـمـ كـانـ يـكـثـرـ مـنـ الصـومـ فـيـ شـعـبـانـ. فـكـانـ يـكـثـرـ مـنـ الصـومـ فـيـ شـعـبـانـ. يـبـقـىـ دـهـ كـمـانـ اـصـلـهـ يـنـدـرـجـ تـحـتـهـ يـوـمـ دـهـ اـرـكـ تصـومـ مشـهـورـ ماـ تصـومـ فـيـ شـعـبـانـ. اـرـكـ تصـومـ مشـهـورـ ماـ تصـومـ فـيـ شـعـبـانـ. يـبـقـىـ دـهـ كـمـانـ اـصـلـهـ يـنـدـرـجـ تـحـتـهـ يـوـمـ دـهـ - 00:10:02

يـوـمـ النـصـفـ مـنـ شـعـبـانـ فـصـلـ تـالـتـ اللـيـ لـسـهـ قـاـيـلـيـنـهـ مـنـ شـوـيـةـ اللـيـ هـوـ صـيـامـ تـلـتـاـشـ وـارـبـعـتـاـشـ وـخـمـسـتـاـشـ مـنـ كـلـ شـهـرـ هـجـريـ وـدـهـ يـوـمـ خـمـسـتـاـشـ دـيـ كـمـانـ اـصـلـيـ يـنـدـرـجـ تـحـتـهـ. كـلـ كـلـ الـاـصـولـ دـيـ يـاـ جـمـاعـةـ سـابـتـةـ بـادـلـةـ تـانـيـةـ غـيـرـ اـمـاـ نـيـجيـ نـقـولـ لـكـ حـدـيـسـ ضـعـيفـ فيـ خـصـوصـ اوـ اوـ فـيـهـ فـضـلـ زـائـدـ فـيـ هـذـاـ - 00:10:16

اليـوـمـ بـعـيـنـهـ. يـبـقـىـ دـيـنـدـرـجـ اـهـوـ تـلـاثـ اـصـولـ عـامـهـ اـهـوـ وـاـضـحـ يـبـقـىـ كـدـهـ دـهـ اوـلـ شـرـطـ يـذـكـرـهـ بـعـضـ اـهـلـ العـلـمـ خـلـاـصـ مشـ كـلـ يـاـ جـمـاعـةـ بـيـسـهـلـ بـيـزـكـرـ الشـرـطـ دـهـ. خـلـيـ بالـكـمـ. لـكـ اـنـاـ هـقـولـ لـكـمـ الشـرـوـطـ اللـيـ ذـكـرـتـ - 00:10:35

يـبـقـىـ اوـلـ شـرـطـ اـنـ يـكـونـ يـنـدـرـجـ تـحـتـ اـصـلـ عـامـ سـابـتـ فـيـ الشـرـعـ طـبـ قـيـامـ لـيـلـةـ النـصـفـ مـنـ شـعـبـانـ؟ اـحـنـاـ هـنـيـجيـ لـلـاحـادـيـسـ بـتـاعـةـ الـمـسـأـلـةـ دـيـ بـتـاعـتـهـاـ. لـكـ هـلـ تـنـدـرـجـ؟ اـهـ طـبـعـاـ تـنـدـرـجـ - 00:10:50

قـيـامـ الـلـيـلـ دـهـ اـصـلـ ثـابـتـ وـلـاـ مـشـ اـصـلـ ثـابـتـ؟ دـهـ اـصـلـ ثـابـتـ فـيـ الشـرـعـ يـعـنـيـ ايـ لـيـلـةـ لـوـ قـمـتـهـاـ فـيـ اـدـلـةـ كـثـيرـ فـيـ اـسـتـحـبـابـ ذاتـ صـحـ وـلـاـ لـاـ؟ يـبـقـىـ دـهـ اـصـلـ ثـابـتـ فـيـ الشـرـعـ - 00:11:04

طـيـبـ اـهـ يـبـقـىـ اـدـيـ ابوـ شـرـطـ. تـانـيـ شـرـطـ قـالـواـ اـنـهـ لـاـ يـشـتـدـ ضـعـفـ الـحـدـيـسـ. اللـيـ هـوـ اـحـنـاـ اللـيـ سـائـلـيـنـهـ اـنـهـ مـاـ يـكـونـشـ حـدـيـسـ يـصلـ الـدـرـجـ اـنـهـ كـذـبـ. اوـ يـصـلـ الـدـرـجـ الـوـضـعـ - 00:11:16

اـزـايـ مـاـ يـكـونـشـ فـيـ السـنـدـ وـاـحـدـ مـعـرـوفـ اـنـهـ هـوـ وـضـاعـ اوـ وـاـحـدـ كـذـابـ يـبـقـىـ هـوـ مـاـ هـوـ اـشـ ضـعـيفـ يـعـنـيـ آـآـ لـاـ يـشـتـدـ ضـعـفـ

ال الحديث. كما يذكر اهل العلم - 00:11:29

وتالت شهر زکروه يعني ده في مسألة الاداء فقط. مش اكتر ان هو ايه؟ لا اه آلا ينقل على وجه الاتبات الى النبي صلى الله عليه وسلم. بل ينقل بلفظ مثلاً روي عنه انه قال كذا وكذا - 00:11:42

يعني يعني دي مسألة ايه في اداء الحديث بس مش اكتر لكن بيقى هيتدار تحت اصل عام سابت وما يشتدش ضعفه واضح الكلام ده طيب احنا كده قلنا لكم كلام ابن تيمية. عليه رحمة الله. الامام النووي في كتاب الاذكار - 00:11:56

بيقول ايه بقى؟ قال العلماء من المحدثين. والفقهاء وغيرهم يجوز ويستحب. شف الامام ناوي هنا. الامام النووي يا جماعة فقيه ها من اجل فقهاء الشافعيين انا ليه بقول الكلام ده ؟ لما النووي يقول لك يستحب - 00:12:13

فهو مركز في اللي بيقوله يعني يعني آآ الامام النووي ده مش واحد زينا كده. يرمي كلام وخلاص فبيقول لك قال العلماء من المحدثين والفقهاء وغيرهم. يجوز ويستحب العمل في الفضائل والترغيب والترهيب بالحديث الضعيف. ما لم يكن موضوعا - 00:12:31

شوفوا هنا الامام النووي اشترط شرط واحد. ما لم يكن ايه موضوعا ما قالش يندرج تحت اصل عام. ما زكرش الشرط ده. ولذلك احنا ايه ذكرنا يا ابن حجر زكر الشرط ده - 00:12:48

ورحمة الله هيجي لناكم شوية كلام احمد الامام احمد ما زكرش شرط ان منداري تحت اصل عم سابت في الشرع. مسلاً لكن على كل حال ماضي. يعني حتى لو كده فالمسألة اللي معنا اللي هو صيام - 00:12:57

يوم خمستاشر وقيام الليلة دي بعينها ده دارج في اصول عامة ثابتة في الشرع. فما فيش فيه اشكال الطوفي بيقول فان قيل ودي بقى مسألة مهمة يا جماعة. لأن الطوفي هيذكر اشكال ويرد عليه - 00:13:11

خلاص ركزوا في كلام الطوفي. يقول فان قيل كان في اعتراض ببقي واحد هيعرض على الكلام فان قيل العبادات ونحوها من من فضائل الاعمال انما يتلقى عن الشرع فإذا وقعت اعتمادا على الحديث الضعيف كان ذلك اختراع عبادة وشرعا في الدين ما لم يأذن به

الله عز وجل وهو مذموم شرعا - 00:13:26

واحد هيجي يقول يا جماعة انت بتقولوا ايه بس ده فضاء الاعمال دي مش عبادة مش هي عبادة انت هتقوم تصلي وھتصوم مش عبادة دي؟ هنقول له اه عبادة. هيقول طيب - 00:13:48

العبادة اذ الطفل بيذكر الاشكال. العبادة حتى له فضائل الاعمال انما يتلقى عن الشرع. فلو عملتها اعتمادا على الحديث الضعيف كان ذلك اختراع عبادة وشرعا في الدين ما لم به الله وهو مذموم شرعا. قلنا الطفل بقى بيجاوب. ليس هذا من باب اختراع العبادات -

00:13:58

وشرع ما لم يأذن به الله عز وجل بل هو من باب ابتغاء فضل الله تعالى بضعف الامارات ثمان ركزوا في كلمة جاية جداً دي بقى اللي توفي. ثم ان اجماع العلماء على جواز العمل به يدفع هذا السؤال. لأن اجماع - 00:14:15

اقوى من. بيقى هنا الطوف يذكر ايه؟ اجماعاً يقول ثم ان اجماع العلماء على جواز العمل به يدفعه هذا السؤال بان اجماعهم اقوى منه حتى لو لم نسلم للطوف الاجماع. لأن هل في من العلماء من ذكر عنهم خلاف هذا القول؟ اه طبعاً. طبعاً زي ابن العربي - 00:14:33

وزي الامام مسلم على خلاف في فهم كلام الامام مسلم. خلي بالكم. لأن الامام دلوقتي من أشهر الناس اللي المحدثين اما بييجوا يتكلموا. المحدثين عن اللي عايشة المعاصرین يعني بييجوا يتكلموا يقولوا لك آآ اللي هو القول المشهور بينا دلوقتي اللي هو الناس كلها يقولوا حديسة ايضاً هنرميه في البحر - 00:14:50

بيقولوا مين البخاري ومسلم؟ يقول لك البخاري ومسلم دول ما كانواش ياخدوا بالضعف. والاتنين فيه نناقشهم في مذهب البخاري ومسلم يعني الامام مسلم ذكر كلاماً في مقدمته اختلف العلماء اصلاً في فهمه - 00:15:08

والامام البخاري لم يسلم كل العلماء بأنه ده مذهبـه اصلاً. انه لا يأخذ بضعفـ. بدليل يا جماعة ان الامام البخاري نفسه لما صنف في فضائل الاعمال والادب المفرد للامام البخاري - 00:15:21

لم يسلط فيه الصحيح يعني لم يشترط شرطـه في صحيحـه. احنا عارفين صحيحـ الامام البخاري ده مشهور والامام البخاري معظم

ومبجل حتى لو واحد حتى العامة اللي ما يعرفهوش اه - 00:15:36

آآ يقول لك ايه هو احنا غلطنا في البخاري؟ هو حتى يعرفني البخاري؟ فهو معظم ومبجل رحمة الله وصحيحة كتاب المعروف. لكن مسل الأدب المفرد والصحيح طبعاً كان يتشدد فيه جداً من البخاري. لما صنف الأدب المفرد - 00:15:48

ما صنفه على الشرط الصحيح واضح؟ فعلى كل حال حتى البخاري ومسلم لا يسلم بمذهب بمذهبهما في هذه المسألة لكن مين الناس اللي قال اه؟ يعني عندي زي ما قلنا ابن العربي - 00:16:00

المالكي ده له نص صريح. في ان الحديث ضعيف لا يعمل به مطلقاً ومن المحدفين بقى الشوكاني مسلاً قال بذلك آآ يعني ممكن نطلع كده كم واحد قالوا ده خلاص؟ لكن نصوص العلماء القدامى بالذات توحى بان ده كان المسلم بينهم اصلاً - 00:16:12

روحى كده آآ فالطوفى الطوفى بيقول لك لا لا احنا ما احنا يا جماعة مش مش بنشرع ما لم يأذن به الله امال احنا بنعمل ايه؟ قال نحن نبتغي فضل الله عز وجل - 00:16:31

بان السواب ده لو القلوب انبعثت نحو ثواب مخصوص. مذكور في حديث ضعيف لا بأس ما فيش شغل الواحد بقى اووعى تعمل ده يا جماعة احنا بنوصل لمرحلة انا كنت عامل فيديو عن الموضوع ده برضه صغير قبل كده عن ليلة النصف من شعبان - 00:16:45
ان شاء الله هحطه لكم الليك على على قناة التليجرام آآ تلاقوا الناس بتتشدد كده حتى في النهي والانكار في يا عم ما تسيب اللي يبعد يبعد. وكأن اللي مسلا اللي هيسيب العبادة دي مسلا هيروح يعمل اللي هيروح - 00:17:01

بيعمل حاجة احسن مسلا لا يقضيها فيسبوك وهيقضيها واتساب وهيقضيها تهريب وهزار ومولات وخروج يا عم سيب الناس تعوض ربنا سبحانه وتعالى. خلاص؟ يقول لك بدعة. بدعة عند حضرتك. يعني يعني يا جماعة - 00:17:15

عاوزين ننضف المسائل دي بدعة عند حضرتك. عند قول قال به بعض اهل العلم لو سلمناه الجماهير على خلاف ما ما تقوله حضرتك جماهير واهل العلم على خلاف ما تقوله اصلاً - 00:17:29

فانت ليه بتوصي بنفسك حكماً على الامة ليه انت مين يعني انت عشان انت توصي لنفسك حكماً على اهل العلم قرون بقى والعصور. يعني حضرتك مين؟ عشان تيجي تقول لأ كلام احمد احنا هننقل عن احمد - 00:17:44

عبدالرحمن بن مهدى يعني والله يا جماعة ائمة لو واحد منهم عايش دلوقتى آآ كان حال الكوكب اتغير يعني الاسماء دي لما بقولها اللي عارفها آآ حاسس بالحرقة اللي انا حاسسها دلوقتى - 00:18:02

يعني ايه احمد محمد يقول حاجة يعني ايه عبدالرحمن المهدى يقول حاجة الامام النووي الناس دي وتيجي انت بجرة قلم كده آآ تشطب الكلام ده كله وتنقل الناس وكأنه قولاً واحداً ان ما فيش غير القول ده في الدنيا - 00:18:16

والاشنع من ده انك ممكن تصل انك تبتدى تسفه من القول الآخر يعني ممكن بعض الناس يذكر يا جماعة الحديث ضعيف لا لا يقدر بدعة بدعة وده ده اشكال كبير. في دين الله عز وجل. ده في واحد تاني بقى يعمل ايه؟ بدعة ومن قال بغير ذلك فهو لا يفقه شيئاً ولا يعلم مش عارف ايه والكلام الفاخر - 00:18:33

الناس بتحبه. وبعدين تقاجأ حضرتك ان مين اللي قال احمد بن حنبل يعني فايده ده اللي هو يعني ازاي؟ واضح طيب الامام احمد بقى يقول وقد تساهل اهل الحديث في قبول ما ورد من الدعوات وفضائل الاعمال متى ما لم تكن - 00:18:54

في روایة من يعرف بوضع الحديث او الكذب في الروایة كلام صريح وقد تساهل اهل الحديث ومع احمد يقول تسأل عن الحديث يبقى خلاص يبقى هو بيتكلم ان ده كان الایه؟ المشهور عندهم اصلاً. يعني زي ما بقول لكم لو ما كانش اجماع علماً - 00:19:15

فعلى الاقل الجمهور ده المشهور عندهم مش قال لك ايه تساهل بعض اهل الحديث لا احمد بيقول لكم وقد تساهل اهل الحديث في قبول ما ورد من الدعوات وفضائل الاعمال. متى ما لم تكن من روایة من يعرف بوضع الحديث او الكذب في الروایة؟ منهم احمد نفسه. يعني احمد حنبل روی عنه - 00:19:32

عن احمد بقى نفسه يقول اذا روينا عن رسول الله صلى الله عليه وسلم في الحلال والحرام. والسفن تشددنا ما فيهاش تهريج حلال وحرام نتشدد اذا روينا عن النبي صلى الله عليه وسلم في فضائل الاعمال. وما لا يضع حكماً ولا يرفعه. تساهلنا في الاساليب -

يا جماعة دول كانوا علماء غير ان معهم فقه علماء عباد فلا يغول الأحاديث دي اللي فيها ثواب تبعث به قلوبهم نحو العبادة وما يكونوش اخترعوا في الدين حاجة زي ما قلنا لان ده مندرج تحت اصول عامة كتير - 00:20:12

آ عبد الرحمن المهدى يروى عنه مسل ذلك. قال اذا روينا في الثواب والعقاب وفضائل الاعمال تساهلنا في الاسانيد وسمحنا في الرجال. ما نركش قوي في الحلة دي واذا روينا في الحال والحرام والاحكام تشددنا في الاسانيد وانتقدنا الرجال - 00:20:29
كان عبد الرحمن المهدى وهذا بقى مذكور عن ابن عبيدة وعن سفيان الثورى يعني عن علماء نفس الكلام ده بالظبط كده بالنصوص دي كده او بما يعني ايه آ بما هو قريب - 00:20:49

منها مذكور عن كثير من من اهل العلم وعلى الغزالى والغزالى آ فقيه الشافعى برضه فقيه كبير عند الشافعية. يعني حتى اذا قال الشافعية في كتبهم قال الشيخان كان واحد منهم الغزالى - 00:20:59
الغزالى الربيع الشيخان عند الشافعية فهو حد مش مش بسيط في الفقه الامام الغزالى ومع ذلك كان ايضا آ مروي عنه هذا. ومروي عن غيره الحقيقة طيب دي اول مسألة - 00:21:14

احنا هنا بنبدأ فصول يا جماعة. احنا هنا في الدرس بتاعنا مش بس مش مجرد بنيجي نتكلم لا احنا حتى غيرنا اسم السلسلة لانها قواعد في طريقك الى الله عز وجل. قواعد بنبني قواعد - 00:21:28

عشان بعد كده ما تباقاش قلقان على نفسك بقى وانت معك القواعد دي هتقيس عليها اي حاجة هتقابلك في حياتك الدنيا هتبقى اسهل ان شاء الله المسألة الثانية بقى اللي برضو قبل ما نخش على على الكلام - 00:21:40
واللي لازم نبقي منتبيهين لها. يعني يعني هي مسألة ان لما نقول لك فلان قال الحديث ضعيف هل ده يسلم قلنا لك فلان قال حديث ضعيف طيب ما يمكن غيره قال ان الحديث مش ضعيف - 00:21:55

فلاش برضو حته ايه ان آ فلان قال ضعيف فخلاص بيقى هو ضعيف احنا مش بنتكلم بقى بلاش ان فلان قال ضعيف فترمي الحديث لأ ده كمان اصلا احنا نسلم بكونه ضعيفا اصلا من البداية كمان - 00:22:16

فلان قال ضعيف غيره قال حسن سهلة وحضرتك مقلد يعني حضرتك لا تعرف ان فلان ده لما قال ضعيف قال ضعيف ليه ولا غيره لما قال حسن قال حسن ليه ولا حتى لها فلان قال صحيح قال صحيح ليه انت ما تعرفش - 00:22:29
لانك مقلد في الحلة دي انا قلت لك ايه شروط الحديث الصحيح مش هتعرف تقول. واللي منا مذاكر كتاب في المصطلح فعرف بيص شروط الحديث الصحيح. نقول له تعال بقى طبق ما يعرفش يطبق - 00:22:43

لان المسألة في غاية الصعوبة يا جماعة آ نقاد الحديث يعني خلي بالكم درجة درجة نبض الحديث دي درجة اعلى بكثير جدا من درجة الرواية. ولذلك كان زمان مش كل - 00:22:55

قوى يصلح ان احنا نأخذ منه بقى الحكم على الحديث بالذات في مسألة العلل المسألة كبيرة بقى مش وقته دلوقتى لكن يعني في حاجات كده في الاحاديس يا جماعة كان لها ناسها. مش اي احد يتكلم فيها - 00:23:07

حتى في العصر الذهبي لرواية الحديث مش اي حد يدخل في الحلة دي بيقول لك الحديث ده صحيح ولا الحديث ده ضعيف ولا اللي يتكلم في العلل حلة العلل دي بالزات - 00:23:21

ما فيش اي حد يتكلم فيها اصلا فده علم خلاص انتهى واضح هيبقى برضو بلاش تشتددي في حلة ان ايه اه العالم الفلاني مسلا الشيخ الالباني رحمه الله رحمة واسعة. آ المشهور دلوقتى هي ايه؟ الشيخ الالباني ضعف الحديث فخلاص - 00:23:29

انا مش بنتكلم ان الحديث لأ ينترمى الحديث خلصنا منها انما المسألة اللي بتكلم فيها ضعفه الالباني فيبقى الحديث ضعيف طب اجي اقول لك اية الهول الالباني ضعفه صحيح لكن - 00:23:48

اه احمد ابن حنبل حسن الحديثة. او احمد المحنبل ما لوشن حسن يعني. احمد ابن حنبل صحق هذا الحديث مسلا او نقول لك آ الالباني ضعفه لكن ابن حجر حسن - 00:23:59

عشان ما تعرفش يعني مين ابن حجر ده في الحديث ده موضوع برضو. يعني دي قصتك انت انما طب انا مقلد يا عم انا مقلد للالباني على العين والراس انا هنا مش بكلف انك تقلد الالباني رحمة الله عليه. انا بتكلم انك تحمل غيرك على قولك - 00:24:13 واضح يا جماعة الفرق هتقلد البان التصحيف والتطايف وده يعني ده ايه؟ دي حته الشيخ الالباني رحمه الله الحديث على عين الرأس. قلد الشيخ الالباني في تضعيقه وتصحيحة لكن لا تحمل غيرك على ذلك - 00:24:31

ما تجييش تقول لي الالباني بيضاعف فانت ببقى الحديث ضعيف اولا ببقى لازم تعتقد ان الحديث ضعيف هيقول لك لا مش لازم اعتقاد. انا ليه لازم اعتقاد الحديث ضعيفة الالبان يضعفوا ابن حجر حسن الحديث. مسلا - 00:24:44

خلاص فضلا بقى عن ايه؟ انك لازم ما تعملش الحاجة دي لأن الحديث ضعيف. ويبقى بدعة وضلاله لو قمت ليلة النصف من شعبان انت كده لا فاهم دين ولا فاهم مراتب الخلاف ولا الكلام ده خالص - 00:24:56

واضح يا جماعة؟ ودي بقى مسألة فقهية بنجيتها دلوقتي. احنا هنتكلم في الاحاديث وكلام العلما في الحنة دي. عشان ما نطولش عليكم نخش في ايه؟ نخش فيها على طول. لكن انا اللي يهمني اكتر من المسوأة دي القواعد اللي احنا - 00:25:11

مسألة العمل من حيث ضعيف فضاء الاعمال ده قول للجماهير ان لم يكن اجماعا فهو قول جماهير اهل العلم فما تخافش ولا ترهب بایه؟ بكثرة القائلين قال بعكس ذلك - 00:25:21

لا ترهب بهذا خلاص ودي يا جماعة من بركة بقى الرجوع لكتب السلف. ان احنا نأخذ وعلى بالمناسبة حتى من المحدثين الشيخ ابن باز رحمة الله عليه. فتوى ابن باز انه اه يتتساهم في مثل هذا - 00:25:35

خلاص وانا هبقي انقل لكم الفتوى دي ان شاء الله برضه على جروب التليجرام هنزل لكم الفتوى بتاعة الشيخ الدباس يعني سئل واجاب نحو ذلك يعني لكن على كل حال حتى لو قال غيره غير ذلك. آآفده قوله الجماهير من المتقدنين من العباد والفقهاء يعني يعني احمد الجبل كان محدثا فقيها - 00:25:47

ابدا الامام احمد يا جماعة الاوصاف كلها ذكرنا الاحاديث كان عامل فيها ازاي وفقيه دائمًا مذهب. من اربع مذاهب في الامة وكان عابدا للامام احمد وعملته برضو معروفة بل كان لا يتصور اصلا طالب علم - 00:26:08

لا يقوم الليل مسلا. يعني لما جا له واحد مرة طالب علم جاي له من بعيد فاحمد استضافه في بيته وبعدين حط له كده فيه مية ومشي احمد رجع تاني يوم على الفجر كده احمد بيبص في المية لقى المية زي ما هي - 00:26:23

فقال له انت ما قمنتش الليل يعني ولا فال الثاني قال له انا جيت تعبان من السفر وبتاع. قال طالب علم ليس له حظ من الليل شوفوا احنا احوالنا بقى التعبانة الخربانة احنا لا حصلنا طالب علم ولا احنا عباد ولا احنا ولا هنعرف اي حاجة بس قاعدين نطعن في الناس ونطعن في اللي - 00:26:36

ونزهد الناس في العبادة وليت ذلك بعلم. يعني عارفين يا جماعة لو هي بدعة مثلا فعل قولوا واحد ماشي يعني احنا هنسيب الناس تبتعد؟ لا طبعا لما يكون المسوأة بالحجم اللي احنا بنقوله ده. والخلاف فيها بالمنظر اللي احنا بنقوله ده - 00:26:56

انت بتعمل ايه بس طيب تعالوا نخش بقى في نصف في النصف من شعبان اظن كده مسوأة واضحة يعني مش وانا ان شاء الله هنزل لكم كل الآثار دي ان شاء الله وكلام اهل العلم في المسوأة دي برضو على قناة التليجرام اللي مش مشارك - 00:27:14

القناة يشتراك عشان بقى يشوف الحاجات دي ان شاء الله طيب يوم النصف من شعبان. اهو هو جاي اهو هيبيقى يوم السبت اول حد ازن في بعض البلدان ودي برضو مسوأة تانية يا جماعة نتحرى - 00:27:26

المسائل دي نتحرى الفضل في اليومين. بلاش في يوم واحد عشان ايه؟ يعني هي عشان رؤية الهلال آآتختلف. يعني مش تختلف يعني قد يكون هي فعلا الليلة دي او اليوم ده او على بعض البيارات تاني لما شافت الرؤية شافته - 00:27:44

شافت الهلال في يوم تاني فاحنا اظن هو السبت عندنا في مصر بعض البلدان ومصر وغيرها يعني وفي بعض البلدان هيبيقى ليلة النصف ويوم النصف هو الواحد. الليلة يا جماعة ان اللي تسق اليوم خلي بالكم. يعني احنا قلنا السبت هو نصف شعبان فتبقى الليلة اللي هي ليلة الجمعة. يعني الجمعة بالليل يعني - 00:28:01

طيب فبرضو ناخد بالنا من الحلة دي اول حديث يروى عن النبي صلى الله عليه وسلم فيها في هذه المسألة قال اذا كان ليلة نصف شعبان فقوموا ليها وصوموا نهارها - 00:28:20

فإن الله تعالى ينزل فيها لغروب الشمس إلى سماء الدنيا. فيقول إلا مستغفر فاغفر له؟ إلا مسترزق فارزقه فلا مبتلى فاعافيه إلا كذا إلا
كذا حتى يطلع الفجر يصام النهار - 00:28:31

والله لو صمت خمسة أشخاص لو انت بتصوم من اول شعبان على عشان شعبان نكتير فيه من الصيام. همتك لم تنبئ كل ده فجيت
هتصوم اليوم ده بس انت من حاجة هنا مهمة - 00:28:49

افتكرتها برضو عشان على قول بعض العلم يكره افراد السبت بالصوم لو حضرتك هتصوم اليوم ده انت مش هتصوم مش ناوي تصوم
غيره يعني فصومه بس الصوم يوم معه قبله او بعده. يعني يا تصوم الجمعة يا تصوم الحد. فالاحسن طبعاً خليها لحد كمان. عشان
يبقى ايه؟ يبقى ضربت عصفور ده حجر زي ما بيقولوا. يبقى هو ايه يوم السبت او يوم الحد آآ - 00:28:59

الخلاف من البلدان دلوقتي في ايهم النصف من شعبان؟ تصوم سبت وحد انما لا تفرد السبت بالايام؟ لا تفرد السبت بالصوم طيب ياه
حديث تاني حديث عائشة آآ يروى النبي صلى الله عليه وسلم قال فقدمت النبي صلى الله عليه وسلم فخرجت - 00:29:20

يعني تتحسس ان هو اصلاً كان جنبها ما لقتها فقدته. فخرجت تشفوفه. فإذا هو بالبقيع رافع رأسه إلى السماء فقال اكنت تخافين
ان يحييف الله عليك ورسوله؟ هي ايه كأنها غارت ان هو سابها وراح لبعض ايه؟ ازواجه. يعني ليلتها وسابها وراح لايها؟ لزوجة تانية -
00:29:39

اول ما شافها هو فطن صلى الله عليه وسلم قال لها انت خائفة اظلمك يعني اكنت تخافين ان يحييف الله عليك ورسوله؟ فقلت يا
رسول الله ظننت انك اتيت بعض نسائك - 00:29:57

شوفوها هي المرأة في وادي واه النبي صلى الله عليه وسلم في واد آخر. قال إن الله تبارك وتعالى ينزل ليلة النصف من شعبان إلى
سماء الدنيا فيغفر لأكثر من عدد شعر غنم كلب - 00:30:11

الكلب دي يا جماعة كانت قبيلة في العرب. وهي أكثر قبائل العرب غنماً. عندها غنم كثيرة القبيلة اسمها كده. قبيلة كلب النبي صلى الله
عليه وسلم بيقول ان ربنا بينزل في الليلة دي فيغفر لآخر من عدد شعر غنم كلب - 00:30:25

واضح؟ آآ فالعدد ده كله بيغفر له في الليلة دي. فحضرتك تبقى ايه بقى في الليلة دي تبقى نايم تبقى في مول تبقى في نادي على
الفيسابوك لا تبقى بتصلي بتستفـر - 00:30:42

يعني يعني هتبقى قاعد تعمل ايه في الليلة دي واضح يا جماعة؟ حديث ثانى ان الله لا يطلع ليلة النصف من شعبان فيغفر لجميع
خلقه إلا لمشرك أو مشاة وبالمقابلة الحديث ده حسنة الالبان يعني عشان حتى اللي واحد باليه؟ مقلد للالبانى في موضوع التصحیح
والتضعیف. الحديث ده محسنة الالبانى. عليه رحمة الله - 00:30:57

ان الله ليطلع ليلة النصف من شعبان فيغفر لجميع خلقه إلا لمشرك أو مشاة. هنا بقى عاززين نقف مع الحديث اول حاجة ياه ان يا
جماعة الحديث ده وغيره من الاحاديث هيبيتني النبي صلى الله عليه وسلم يستثنى او صافا يعني ربنا هيغفر لكل الناس إلا الناس -
00:31:18

بمجموع الاحاديث هتجتمع بعض الاوصاف يعني اجمع كل الروايات وشوف الاوصاف اللي ذكرها النبي عليه الصلاة والسلام
وضمها جنب بعض كده حطها جمب بعض عشان تعرف لازم تخرج من هذة الاوصاف كلها لتناول المغفرة - 00:31:38

وفي هذه الليلة واضح يبقى اول وصفة لازم تتبرأ منه وصف الشرك ايوة يا عم احنا مسلمين انت بتتكلم ناس كفرة يعني وصف الشرك
مش لازم يعني تتبرأ من الشرك الاكبر والشرك الاشهر ومش هيمنع انكم في ده دلوقتي لكن يعني تتبرأ من الشرك كبيرة وصغرى -
00:31:52

خلاص انتم بقى ادخلوا واعرفوا ايه الشرك الاكبر والصغرى. لغاية ما ان شاء الله يمكن ايه ربنا يعني يفتح علينا ونبقى نفرد للكلام ده
وقت يعني الوصف الثاني الشحناء إلا لمشرك أو مشاة - 00:32:08

يبقى وصف الشحناء الشحناء انك تبقى بينك وبين اخيك قطيعة فيبقى اللي بينه وبين اخيه قطيعة على دنيا لا يلحق ياهي يصلح الامور وتصلح الامور يا جماعة مش لازم نبقى حباب ونرجع آلا. ده فقط بالسلام. يعني لو سلمت عليه قطع - 00:32:23
قطيعة دي خلاص واضح السلام عليكم خلاص انقطعت هذه القطعة. خلاص؟ لأن ممكن فعلا فيه ناس ما تتعاشرش. او آلا يعني الايه الارواح جنود مجندة اه السلام عليكم وعليكم السلام خلاص ما بقتتش انت كده ما بقتتش ايه؟ مقاطع - 00:32:41

فلاندا وده طبعا المقصود به الشحناء على امور الدنيا. لكن لو واحد انا مقاطعه لدين واحد مبتدع ضال ما احنا برضو يا جماعة احنا مش يعني احنا ايه دينا زي ما فيه الرحمة والرفق - 00:32:58

في الشدة والغلظة ووضع كما ان وضع الرفق كما ان وضع الغلظة مكان الرفق آلا خطأ وخلاف الحكمه كذلك وضع الرفق مكان الغلظة والشدة. والا كان زمان النبي صلى الله عليه وسلم شديد آلا رفيق رحيم على طول الخط - 00:33:14

والنبي صلى الله عليه وسلم ما كان كذلك كان وصفه الغالب صح لكن على طول الخط لا مش على طول خط امال مين اللي كان بيجهد ومين اللي كان بيقتل المشركين - 00:33:32

ومين اللي ربنا اعرض ده مين اللي ربنا امره بده النبي عليه الصلاة والسلام صح اه قال ايه؟ آلا واغلظ عليهم يعني ايه رايحة مني دلوقتني؟ اه ماشي يعني المهم تيجي يعني ان شاء الله يعني تيجي واقولها لكم - 00:33:46

فالهم يعني النبي صلى الله عليه وسلم كان اه كان وصفه الغالب الرفق والرحمة لكن كان فيه شدة وغلظة في اوقات. خلاص اه يبقى انت مقاطع واحد عشان هو مبتدع ضال فاسق - 00:34:10

اه انما واحد على دنيا وقف بقى القطيعة دي ولو بالسلام. عشان تخرج من ايه؟ من وصف الشحناء. الشحناء دي يا جماعة غريبة جدا بقى في ديننا الحقيقة النبي صلى الله عليه وسلم سماها الحالة فساد ذات البنت سماها الحالة - 00:34:26

قال لا اقول تحليق الرأس ولكن تحليق الدين فهي امرها خطير جدا ان شاء الله نتكلم عنها بالتفصيل لما نيجي في رمضان ان شاء الله. لما نيجي نتكلم عن ليلة القدر وازا علم ليلة القدر رفع عن الامة؟ لما اتنين - 00:34:41

اتخانقت من الصحابة هنتكلم عنها بالتفصيل ونتكلم شوية عن موضوع الشحناء وفسادات البيتها لكن مش دلوقتني يعني آلا يبقى ده آلا دي وقفة مع الحديث ده. ان الله ليطلع ليلة النصف من شعبان فيغفر لجميع خلقه الا لمشرك او مشاعر - 00:34:57

خلونا بقى نكلم اخواننا. طبعا انا ادين لله عز وجل بالعمل بالضعف في فضائل الاعمال لكن خليني اوجه كلام لاخواني اللي مش بيأخذوا بقوله ده انا برضو ما انا مش يا جماعة مش هقول لكم ما تبقوش حكام وانا اللي هبقى حكم برضه يعني واحد بياخد بالقول ده على العين والراس خلاص - 00:35:13

في بعض اهل العلم قد وان كانوا قلة لكن موجود. قول موجود يعني ما هو اوش مبتدع يعني خلاص ايه اللي على الا على من يرى ان ده اجماع. فلو كان اجماع اللي يرى ان ده اجماع خلي بالكم - 00:35:31

يا حرام تخالفه انتم فاهمين؟ يعني الطوفي بيقول لك اجماع انه اذا ذكر الاتفاق اللي هيشفوه ده هيقول لك ما ينفعش تخالف اصلا يا جماعة العلما لكن لا خليني يا عمي في خلاف فانت بتاخد بالقول ده فانا بقولك دلوقتني بوجهك انت الكلام - 00:35:43

يا من يرى اهو احنا نجيب بقى الايه الشخص اللي هو المشهور دلوقتني اللي هو واحد يعني كتير مننا اكتر الناس اظن يعني يمكن الكلام ده كان صادم لاكسر الناس. فالاكثر شايفين انه الحديث ضعيف لا ما يعملاش به. والاكسير ما يعرفوش حد في الحديث - 00:35:58

غير الالبان ورحمة الله المجموع دول كده انا بوجه لكم بقى الكلام ده. الالبان يا جماعة الشيخ الالباني رحمة الله عليه محسن الحديث ده. ان الله ليطلع ليلة النصف من شعبان فيغفر لجميع خلقه الا لمشرك او مساحر - 00:36:14

حضرتك عرفت ان الليلة دي بيغفر فيها للخلق. هتقضيها ازاي فكر كده هتقضي الليلة ازاي يعني؟ يا جماعة ربنا بيطلع بقى وهيفغر ده معنى مرعب بمعنى لو قعدت تفكري فيه كده يعني بقى مش هيجيلاك نقص يعني تيجي تمام تحط راسك عالمخدة كده تلاقى نفسك مش جاي لك نوم - 00:36:27

يعني الليلة دي كده آآ يعني لا قم يا عم استغفر وقم اذكر ربنا وقم واضح حديث اخر روي عن الرسول صلى الله عليه وسلم ان الله ليطلع الى خلقه ليلة النصف من شعبان فيغفر لعباده الا اثنين. مشاحن او قاتل نفس - 00:36:48

يبقى مشاحن جت معنا قاتل نفس واحد آآ قاتل حد برضو ربنا لا يغفر لها يعني المفروض نخرج من هذا الوصف يعني حديث اخر في الا زانية بفرجها او مشركا. المشرك خلاص او الزاني او الزانية - 00:37:03

برضه هذا الوصف يعني حتى من تلبس به يتوب الى الله عز وجل قبل هذه الليلة آآ روي معنى اخر في الليلة دي الحقيقة. والمعنى ده موجود في شعبان في كل شعبان هو معنى ايه؟ انه فيه تنفس الاجال - 00:37:19

وده معنا بردہ يا جماعة خطير جدا شعبان شهر شعبان فيه تسخ الاجال وروي ان في هذه الليلة بخصوصها تنفس الاجال وجه في حديث فان الرجل لا ينتح ويلد له - 00:37:33

وان اسمه في الموتى ياريت اوخذ الاجيال يا جماعة ربنا سبحانه وتعالى بيدي ملك الموت الليلة دي او في الشهر ده شهر شعبان. صحيفه فيها اسماء الناس اللي هتموت السنة الجاية كلها - 00:37:47

هو زكي جه في رواية فان الرجل لا ينتح ويذرع ويلد له وليس له اسم في السماء اسمه خرج من السماء خلاص. اسمه فين او مال؟ في الصحيفه مع ملك الموت - 00:38:00

ده هيوموت في رمضان ده هيوموت في شوال ده هيوموت في المحرم اللي جاي. ده هيوموت في سفر اسمه مش في السماء خلاص هو بقى ان الليلة دي بخصوصها هي اللي بيلصلق فيها الاجل. فيها يفرق كل امر حكيم - 00:38:13

روي عن بعض السلف اظن عكرمة آآ ان هو فيها يفرح كل امر حكيم. طبعاً الجمهور على ليلة القدر لكن في قول آآ ان في كل امر حكيم ليلة النصف من شعبان - 00:38:30

طب ايه اللي بيفرط فيها؟ قال ان فيها تنفس الاجال وفيها يكتب الحاج. شف الناس اللي هتموت على الحج الناس اللي هتموت على الحج. انت بقى في الليلة دي اللي ربنا بيكتب فيها مين هيحج السنة دي - 00:38:43

بيكتب ده في الليلة دي وحضرتك هتقضي الليلة دي ازاي واضح طيب طب هل السلف بقى مع الليلة دي ومع اليوم ده كانوا يعني بيقصوه ازاي يقول ابن رجب وليلة النصف من شعبان - 00:38:57

كان التابعون من اهل الشام كخالد بن معدان ومكحول ولقمان بن عامر وغيرهم يعظمونها ويجهدون فيها في العبادة وعنهم اخذ الناس فضلها وتعظيمها وقد قيل انه بلغهم في ذلك اثار اسرائيلية. في تعظيم هذه الليلة. فلما اشتهر ذلك عنهم في البلدان اختلف الناس في ذلك. فمنهم من قبله - 00:39:13

منهم ووافقهم على تعظيمها. منهم طائفة من عباد اهل البصرة وغيره. وانكر ذلك اكثر علماء الحجاز. ومنهم عطاء وابن ابي مليكة ونقله عبد الرحمن بن زيد بن اسلم عن فقهاء اهل المدينة وهو قول اصحاب ما لك وغيرهم. وقالوا ذلك كله بدعة - 00:39:35

يبقى المسألة فيها خلاف؟ اه فيها خلاف اه واختلف علماء اهل الشام في صفة احيائها على قول الطب. يعني كان المسألة فيها خلاف. اللي هيحيي الليلة ولا لا يحييها؟ قول لاهل العلم - 00:39:53

طب اللي هيحيي الليلة؟ نحييها ازاي الطائفة دي لما عملنا شجرة كده. يبقى ناس بتقول ده بدعة وناس بتقول لا مستحب. احيي لنا نيجي على دول بقى. طب هنجييها ازاي؟ انزل بقى فرعين كمان - 00:40:05

احدهما انه يستحب احياءها جماعة في المساجد ايه ده يعني كمان نجتمع في المسجد ونصلي اه بعض اهل العلم قال هذا. فلو عملت ده انت متبع لبعض اهل العلم واياك ان ترهب بمن يقيم نفسه حكما على الامة. اياك - 00:40:17

هيجي يقول لك انت مبتدع انت ضال. قل له جزاكم الله خيرا. وانت خلي صدرك اوسع منه وتبقى فاهم ان المسألة فيها خلاف بسيطة يا جماعة لا نحجر واسعاً ويسعون ما وسع ما وسع السلف - 00:40:32

ويا ريت يا ريت اللي ما سمعشدرس بتاع مسألة اللي هو انا مش فاكر اسم الدرس انا مسميه ايه على اليوتيوب. اللي هو اللي بشرح فيه حديث ان عمر ابن بشير وانما امور مشتبهات. ممكن يبقى اسمه اتقوا الشبهات اظن على اليوتيوب - 00:40:46

ضروري جدا لاني قصرت في مسألة الاختلاف وكيف كان السلف يرون الاختلاف الواقع الاحكام مهم جدا وده بيكمله يبقى بعض العلماء قال بأنه يجوز الاجتماع لها في المساجد اه. قاله بعض اهلها انه يستحب احياؤها جماعة في المساجد - [00:40:59](#)

كان خالد بن معدان ولقمان بن عامر وغيرهما يلبسون فيها احسن ثيابهم ويتبخرون ويكتحلون ويقومون في المسجد ليتلهم تلك ووافتهم اسحاق بن رهاويه على ذلك. على جلالة اسحاق وقال في قيامها في المساجد جماعة ليس ذلك ببدعة - [00:41:16](#)

يقول هذا نقله عنه حرب الكرمان في مساعده دي اول فنة. طب الفتنة الثانية وسانى انه يكره الاجتماع فيها في المساجد للصلوة والقصص والدعاء وكأن الاولانيين بيقولوا ان ده كله ينفع. تصلي - [00:41:34](#)

اه تذكر مواعظ الناس تدعو الله عز وجل في المسجد. كل دا ينفع الفتنة الثانية قالت يكره الاجتماع فيها في المساجد للصلوة والقصص والدعاء. ولا يكره ان يصلني الرجل فيها لخاصة نفسه. يبقى تاني فاكرين الشجرة بتاعتتنا - [00:41:50](#)

العلماء قالوا بدعة. بعض العلماء قالوا يستحب اللي هيقولوا يستحبوا دول هاتهم هنا ينزل فرعين. هتلاقى بعضهم يقول يستحب الاستئماع لها في المساجد. تمام؟ وندعي في المسجد ونصلي في المسجد ونعز الناس في المسجد. والفتنة الثانية قال - [00:42:06](#)

لا يصلني الرجل لخاصة نفسه. يعني انت في بيتك قم صلي قم ادعني قم استغفر لي دي طائفة تاني وهذا قول الاوزاعي امام اهل الشام وفقيههم وعالهم. وهذا هو الاقرب ان شاء الله تعالى. يعني كأن ده الاقرب اللي يراه ابن رجب الحنبلي اقرب - [00:42:19](#)

طب هل الامام احمد ده له رأي في المسألة ابن رجب طبعا حنبلي بيتكلم اليوم احمد بالذات. قال ولا يعرف للامام احمد كلام في ليلة نصف شعبان. يعني كأن احمد ما لوش روایة في المسألة دي. لكن - [00:42:36](#)

يتخرج في استحباب قيامها عنه روایتان من الروایتين في قيام ليلتي العيدين. يبقى كأن احمد له كلام في قيام ليلة العيد لو فهمناه من كلمة احمد نقدر نخرج عليه كلام في ليلة النصف من شعبان ودي طريقة لاصحاب احمد يعني. مش احنا اللي هنخرج يعني اقوال للامام. هم بيعملوا ده - [00:42:48](#)

فانه يعني الامام احمد. في روایة لم يستحب قيامها جماعة. بيتكلم هنا ابن رجب على مسألة الجماعة. لانه لم ينقل عن النبي صلى الله عليه وسلم واصحابه واستحبها في روایة. يعني احمد له روایتين في قيام ليلة العيد - [00:43:06](#)

كوييس خدوها دي بالمرة بقى. يعني ايه ده هو انا ممكن اخد من ليلة العيد كمان! اه تخيل اللي طبعا بتسمع انها بقى ايه اللي بيعمل ده

يبقى ضال في النار - [00:43:19](#)

اه لا قيم ليلة العيد ما فيش مشكلة خالص. ودي من ازمنة الغفلة وبرضو اللي ما سمعش يرجع يسمع حته لما اتكلم عن درس شعبان اسمعوه عشان احنا نتكلم في ازاي العبادة في وقت الغفلة واهمية العبادة في وقت الغفلة ايه - [00:43:27](#)

فمن ازمنة الغفلة ليلة العيد. ليلة العيد دي يا جماعة ناس بتشرب مخدرات. والناس الناس الطيبة اللي هي ما لهاش المخدرات وال حاجات الوحشة. بتلاقيها في المولات وتلاقيقها في التوابي وتلاقيقها في - [00:43:42](#)

سهرانة للفجر ما فيش ذكر ولا دعاء ولا اي عبادة ولا اي حاجة. فده وقت غفلة طبعا لو حضرتك تفر ربنا سبحانه وتعالى وتقوم الليل؟ اه قم. ما فيش مشكلة خالص. طب ابعت قلبك للحاديـث الضعـيفة اللي فيها. اللي هو من احـيا لم يجـد قلـبه يوم تـموت القـلوب. ما فيش مشكلة - [00:43:52](#)

ما فيش اي مشكلة ما تخافش ولا ترهب واضح طيب لانه في روایة احمد لم يستحب قيامها جماعة يعني ليلة العيد. لانه لم ينقل عن النبي صلى الله عليه وسلم واصحابه. واستحبها في روایة لفعل عبدالرحمن ابن يزيد ابن الاسود لذلك وهو من - [00:44:07](#)

نفس المسألة بتاعتتنا. حاجة ما تتروتش عن النبي والصحابة لكن فعلها التابعون نفس المسألة وفيها احاديـث ضعـيفة. هي هي بالضبط صـح ولا لا؟ ليلة العـيد لم يروـي عن النبي صلى الله عليه وسلم ولا الصحـابة انـهم فعلـوا فيها شيئاً مـخصوصـاً. لكن الرؤـيا عنـ التابـعين - [00:44:24](#)

وفيـها احاديـس ضـعـيفة بـخـصـوصـها لـيلـة النـصـ منـ شـعبـان نفسـ الكلـامـ. دـه بيـنـقلـ النبيـ صلىـ اللهـ عـلـيـهـ وـسـلمـ وـراـ الصـحـابةـ انـهـ فعلـواـ عـبـادـةـ مـخـصـوصـةـ فيـهاـ لـكـنـ نـقـلـ عنـ التـابـعينـ وـفيـهاـ اـحادـيـثـ ضـعـيفـةـ - [00:44:40](#)

احمد بن حنبل على جلالته في الفقه والحديث والعبادة وكل حاجة ليه كلام بقى في ليلة العيد اول رواية انه لم يستحب قيامها جماعة ولا نتكلم عن الجماعة. وفي رواية استحب ذلك - [00:44:50](#)

يعني تقام جماعة رواية عن احمد. ليه؟ ليه يا احمد؟ اذا كان النبي ما معناش ورا الصحابة صلى الله عليه وسلم قال عشان عبدالرحمن يزيد عملها وهو من التابعين وكذلك قيام ليلة النصف. لم يثبت فيها شيء عن النبي صلى الله عليه وسلم ولا عن اصحابه. يعني شيء يعني يا جماعة شيء فعلي يعني سنة فعلية. لم يثبت - [00:45:02](#)

وثبت فيها عن طائفه من التابعين من اعيان فقهاء اهل الشام شوفوا يا جماعة الفاظ ابن رجب مش اي تبعي كده من اعيان فقهاء كل لفز من دول مربع لوحده اصلا. لو قلت لك من اعيان اهل الشام ده مربع لو قلت لك من فقهاء اهل الشام ده مربع. تخيل بقى [اللقطين مع بعض - 00:45:22](#)

اعيان فقهاء اهل الشام فدول يعني آآهيدخلوا كده يعبدوا كده وخلاص ما لأ وروي عن كعب قال ان الله تعالى يبعث ليلة النصف من شعبان جبريل يعني دي بقى ايه يعني مش عازين نذكر دي. ابن رجب بقى بيكلم وهو بيتكلم بقى ابن رجب نفسه يقول فينبغي للمؤمن ان - [00:45:39](#)

تفرغ في تلك الليلة لذكر الله تعالى ودعائي بغفران الذنوب وستر العيوب وتفريج الكروب وان يقدم على ذلك التوبة. فان الله تعالى يتوب فيها على من يتوب ويتعين على المسلم ان يجتنب الذنوب التي تمنعه من المغفرة وقبول الدعاء في تلك الليلة - [00:45:58](#) اللي هي زي ايه زي طاقة النفس زي الشرك زي الزنا زي الشحناه. يتجنب هذه الذنوب؟ طبعاً يتجنب كل الذنوب لكن دي بعينها اللي رؤيت في الاحاديث فده دي نصيحة ابن رجب الحنفي برضو من - [00:46:18](#)

من اجل فقهاء المذهب عندنا اه لك ايها السالك لطريق الاخرة ايها السائر في طريقك الى الله عز وجل. دي نصيحة العلماء لك اه يعني مش هنطول عن كده. هنشوف اسئلتكم - [00:46:30](#)

لو حد له سؤال في الدرس نجاوب عليه ان شاء الله ونهي اه في سؤال رمضان اقوله رحمة واوسطه مغفرة وآخره عتق من يعني هو رمضان مش يعني رمضان مش تحتاج احاديث ضعيفة يعني يعني لو في حد مش هيصوم رمضان احنا يا جماعة دلوقتي بنتكلم مش في مسألة - [00:46:49](#)

ده مش في مسألة آآا الاحاديث وطالعها في تصحيحها. احنا بنتكلم في مسألة ان قلبك ينبعث للعمل بحدث ضعيف. فتعمل به. انما رمضان هو مش تحتاج احاديث ضعيفة. يعني رمضان كده هتصومه - [00:47:11](#)

يعني واضح احنا بنتكلم في واحد ما كنش لا هيقوم الليل في ليلة النصف ولا كان هيصوم النهار. لكن لو سمع الاحاديث دي آآا قال لا ده جميل. انا قلبي انبعث دلوقتي بصيام النهار. نيجي نقول له لأ بدعة ما تصومش. لا نقول له صم - [00:47:22](#) خلي بالكم يا جماعة انا دلوقتي مش بسفه القول الاخر لكن قول جماهير احنا واقفين في قول جماهير اهل العلم واضح آآ او يقوم الليل مسلا. نقول له لأ قم - [00:47:38](#)

طيب اه طيب انا مقلد لو لو قلدت ان العمل سانية واحدة بس هطلعها وابقى الكلام عشان ايه مش بيظهر بيقول طيب يعني انا مقلد لو قلدت ان لعمل معين بدعة حضرتك تقصد لا انكر على حد لان ممكن يكون ممتاز. ده اللي اقصده بالزيت - [00:47:48](#) واحد بيقول طب انا مقلد ان ان المسألة الفلانية بقول ان ان الموضوع ده بدعة خلاص انت هتبقى تجيب لله عز وجل انها بدعة وتعلمنا. لكن لا تنكر على غيرك - [00:48:07](#)

لا تنكر على الغير. طب ده في كل المسائل طالما لم تحط بالخلاف في المسألة علما لا تنكر يعني طالما مش عارف اقوال العلماء في المسألة دي ايه؟ وخلافهم شكله ايه؟ ما تنكرش على حد اصلا - [00:48:17](#)

واضح طيب آآا فضل صيام في شعبان نبدأ من امتى؟ استعداد لرمضان لاني بصوم الشهر كله. ممتاز يعني نصوم الشهر كله ده حاجة جميلة لكن هنسيب يومين كده في الآخر ما نصومهمش - [00:48:29](#)

آآ والاكثر من الصوم في شعبان ده احنا ادينا فيه درس يعني. لكن نسيب يومين كده يومين في الآخر كده ما نصومهمش. وآآ لا

تقدموا رمضان بصوم يوم ولا يوم - 00:48:41

آآ كده الاسئلة خلصت سبحانك اللهم وبحمدك نشهد ان لا اله الا انت نستغفرك ونتوب اليك السلام عليكم ورحمة الله وبركاته -

00:48:51